

OMUKUETU

No: 5

ESIKU 1 IJA M'ART

1939

X·X·X·X·X·X·XX ■ XX·X·X·X·X·X·X·X ■ X·X·X·X·X·X·X ■ X·X·X·X·X·X·X ■



KALUNGA OTA TUMU NAANONA

„Omazilazilo ga Kalunga ogiili noma zilazilo gaantu ogiili!”

Oluindji otua zilazila, aanona ojo iinima jouala, kaje nošilonga uunene ngašika aakuluntu. Ojo oja zinua, inaa simana, naanona jojene oji izini, nando ongaaka, Kalunga ine ja zina. Kalunga ngaši ta tumu aakuluntu ja longe, ošo uo ta tumu naanona uo.

Okua li ku nomūnona gumue omūkriste, naakuluntu je aakriste. Oomvula ze oza li tuu mpoka pomūlongo, ile pomulongo naijimue. Okua kala megumbo ljahe pu jina. Ohe na jina nando oja li aakriste, egumbo ljauo olja li kali nombili nando. Oluindji oontamanana, ohe na jina taa tamanana ošoka ohe a li popepi nokušuna monima, onke ombili ja jonuka mo megumbo. Omūnona nguka okue ši nzingilike uo,

kutja aakuluntu je kaje nombili. Oje okua li a kala moskola jaanona, a longua, nokua li e hoole Jesus, kuume ke. Ano okua li e uvite uuzigu, aakuluntu je šo taa tamanana ngeji. Oluindji okua lili omahozi, nokua jina, a ti: „Meme, ino neñeta ouala, tate ngele te ku neñetele, muena ouala, nando u luete ku nuusama. Ondi ši ši one amuhe otamu ilongele ondjambi jegeelo ku Kalunga.”

Jina a fa tuu a uvu kašona omakumagizo gomuuana, okuiizizimike tuu omasiku gamue. Šaa tuu ja tameke okuñeñeta išeue, omūnona okua li e uvite oluhozi momueño gue. Omūnona okua li a fa he ja pašaniša ombili nokukala kue. Okue ja jakula uo naua miilonga mbika ta vulu okulonga. Ojo ajehe oje mü ñañukilua uo noonkondo, unene jina.

Ano omūnona nguka okua kala uo menongelo. Oje okua li omūziginini menongelo lje. Pašitue je okua li omūmueni, iha popjagana ngašika aanona ojaakuauo. Otundi ngele ja zi mo, oku hoole okuikalela, ihe nando oti ikalele ngaaka, oku nombili naanona ojaakuauo ajehe, ina geja. Oluindji ošipala še oša jela, Oskola ngele taji halakana, oje oha hugunine po, ta tala ngele pe niinima ja halakana mongulu nenge pondje, opo a uape oku ji tula pomaha gajo, no ta jakula omūlongi ngele ta pumbua ejakulo, nando ine ši lombue lua komūlongi. Ano šo ta zi mpoka, ota matuka sigo kegumbo, ita zana mondjila. Oluindji a piti ko mboka ja ji tango. Ošoka ojendji mboka ja ji tango oja zana mondjila, inaašika kegumbo.

One aanona ešeni omūkalo nguka ošoka oguo omuinaji šili. Ano oskola ngele ja zi mo, omu nokuendelela mu je komagumbo, ošoka aakuluntu jeni otaje mu tegelele. Ningeni ngašika omūnona nguka a ningi. Oje a ñañuza omūlongi naakuluntu je.

Inapu pita nando omvula, omūnona nguka okua azika kuuvu uuzigu, ohe nguka a li ina kola naua muukriste a hala oku mu fala koonganga, omūnona a tindi. Ano ohe manga a ka konganga onganga,

omūnona okua indile jina nokulila nokua ti: „Meme fala ndje kongulu ndi ka pangue, inandi hala oonganga.” Jina okue mu hūmbata, e mu fala kongulu. Okua ningi ko omasiku gaali nokua man'Oondjenda. Pokusa kue, okua li e neñañu enene šili, nokua zimbululuša jina omakumagizo ngeja e mü kumagiza nale. Jina šo ta lili, oje okue mü lombuele a ti: „Ino lila ndje, ošoka ngame otandi ji ku Jesus guandje.” Omūlongi gue šo e ja po okue mu zimbulula naua, nokue mu lāleke. Oje a imbi omaimbilo nando ita vulu okuimba. Ano šo a si' jina okua lili nokulilila, nokua popi a ti: „Onda hepa, olje ta pukulula ndje mondjila jo komueño, omūlongi guandje a kušua po.”

Longa maandjeni, na šaa mpo u li, nando u li po omūšona. „Ošoka Kalunga iha tala ondjelo jomuntu, ihe šoka si li momueño.”

Rakel

Epapuzuko.

Okua li omūkazona e hoole Omūua Jesus noohapu ze, okua šigi po aakuluntu je molu ohoole tuu ndjoka, šoka a zimbulula Omūua oje e mü hoole tango. Okua ji kiilongo jokokule nkoka Omūua ta longelua, opo naje uo a mone eha oku mü. longela, ošoka mpoka a zi kakua li e neha oku mü longela ngašika je a zilazila momueño gue.

Omūkazona okua tumua tango mooskola, a longue tango ehala lja ngoka a hala oku mü longela.

Pešimbo tuu ndjoka omūkazona okua tsakanekua kiinima ojindji joku mü pukisa, taji holoka palupe giili na gi ili. Esiku limue otaji holoka meñañu nesiku ekuauo omuuzigu, okupopiua naua nenge naji, ošili niifundja. Ano ajihe mbika ina ji mü pukisa epuko ndjoka lji ila lala, okua kala ngaa po kati mpo. Ihe epapuzuko lja li ka li mo muja. Aantu mboka je mü ši no ja tseja naua iipue je, oja ningi oongundu mbali moku mü popja. Jamue oja ti: Okua kukuta, Kalunga kee mü na. Ooja kuauo oja ti: omūnona nguka omūzigini ni šili, ando omuntu omukena Kalunga a ndola a šuna nale muupagani, ošoka uukriste ue kau nelago, okušekua akuhe nokuzinua kaantu molu iipue je. Omūgundjuka ngu okua li ke ši omūtala, ke ši omūpju, ihe šo e li nge ji ošo tuu šoka haši kungisa Omūua, onke naje uo a nengua okumona ošipala šOmūua, natango epapuzuko kee li na.

Omūgundjuka šo a piti mooskola, okue ka longo ngašika ta vulu. Oku hoole ošilonga še, ngašika e hoole omūgandji guašo. Aalongua je e ja tala nohoole ngašijana je, ihe epapuzuko ine li mona natango.

Esiku limue mošigongi šo ntumba, Omūhongigumue okua popi nuulazi, nkene omuntu ta papuzuka, nokua hokolola aantu ojendji nke ja papuzuka no ja tala okukala noondjo nando oonšonalela, ošoka je ši ši ondjo nando onšona otaji mü ninginiša mekano nge itaji jogua po, ngašika ošeela nošinene ajihe otaji ningine mo nomuntu ota ninginišua kondjo kehe muule mui. Omūkazona okua haluka, nomueño gue gua kakama, nokui ipopile momueño, a ti: Onda li ndi ši ndi hoole Omūua, na ni Omūua pungame kee po, otandi vulu ngiini oku hoola ngoka kee li pungame?

Ošigongi šo ša halakana okua ji komūsita guegongalo ljontumba nokue mü lombuele, nkene Omūkulili e mü šigi po nale oomvula ozindji molu uulunde ue. Okua hokolola ajihe nokulila, navulua omūsita okua uvu okulila akuhe. Omūsita a kuatua komueño kelilo ndika, ina ũapa ue okuizizimika nokui pangela, naje uo okua lili.

Konima ja mbika omūsita okua hekeleke omūgundjuka nguka omūnandjo noohapu zOmūkulili nkene ta hokua omūpapuzuki guašili. Ja tsu oongolo, omūsita okua kuata ošikaha šomūkazona, nokue mü galikanene ezimo ljoondjo, ta tumbula ezina lje. Šo ja huliša omūgundjuka okua tala ošipala šomūsita, nokua nzinzi like mbala nkene taši azima kohoole oku mü hoola, nokua ti meni lje: Ohoo! le omūšitua šo ji li ngeji, ongiini ohoole jOmūua muene?

Šo a zi mpoka olupe lue ngašika a šitua ina lu lunduluka, nošo kua li po omūnkundi oku li nga ngašika je e li po. Ihe iilalo jomueño ja polo, nombili jokomueño ja kolo, Jesus muene a heza kuje, nokue mü tala kehe esiku ngaši kua li ta tala ošipala šomūsita.

Hanga lu.

Oumati vavali ota va nangala monduda javo omutala uavo. Ovo omunu na mumujina. Omukulunu okua li ina tokelua po naua osidu. Hano mokukofa kuavo, manga okusa kuli popepi, okamati aka kanini kali nedina Katjana. Oko ka tema po. Posivelo opali okainda kaidila po. Manga ina ka kofa naua oke udite pupupupu. Okainda kahuama. Katjana okua pendula mukuauo nokua ti: onduda taji pi! Omukulunu esi a penduka osivelo asise si jadi omundilo tu se. Okainda akese katema, onduda ojali okakuma kendopi. Omukulunu a silile

okainda monduda e ka dime ngeno, aje, oje okue ka unduile ngeno pondje aje ee' Onduda jo vene ja huama mošihokohok. Oumati ovo ovajoo mundilo

Omukulukadi oje okua hangika ina kofa, ošesi naje jo okua hangika ena okuhupila اونونا ava vali puje mondjuo, a uda omundilo a pita, a mona onduda aise omuifi nomudilo posive'o, a iifana,, اونونا taava pi! Omusamane a tondoka a kandula ko onduda ngasi omunu ta ekelesi epumba.

Oso Kaalunga ta kuafa avese ava tave muifana Luk. 8: 24 Daniel. 1; 17 - 29

Ovakuetu nje, mosinima satja ngaha oljelje a pendula okamati ka mone omundilo? Ile ol elje a pendula omukulukadi pefiimbo olo lošiponga sa tja ngaha? Olje a makula okanja kaje ai fane pombada? Olje a pe omusamane eengono a ekelesi onduda ngasi epumba? Ndi si oje Kalu'ga! Olje a amene اونووا neumbo kosinima esi? Diladila nawa oiponga esi itai ku u ja olje te jikandula mbela? Tala Eps. 118: 5, 118: 1, 2. Eps. 18: 5- 9.

Oje ou kombandambada javese najiise.

Mika Sifula

OŠILONGO ŠI LI HAANDIJAKA JEFUTA.

Oku niilonga ojindji ji li kombanda jomafuta nokombanda jomilonga nzoka i haazi puine, aluhe zi nomeja. Ihe iilongo mbjoka nde ji popi omu na aantu, no tu ši ši, aantu, ngele je li pokuma, ohaa pumbua okuendašana naantu ojaakuauo, jokiilongo ji li muušinda uauo.

Ano ngašiji otatu pula, otaa endašana ngiini, ošoka pokati kiilongo niilongo ope nomilonga nomafuta omanene, ohaa endašana ngiini? Otandi ku lombuele nkene haa endašana, tala, komafuta oku nooskepa oonene, noonšona hazi endiša aantu niini ma jauo. Ozo tuu nzoka hazi ja kondiša omafuta, nomilonga, no hazi ja fala košilongo šoka ja hala. Ihe oongoka ite ende miiendišo mbjoka haji kondo omafuta, ita uapa okuja handijaka jomulonga, aue, ota guile mo.

Onke ano oojakuetu. otse uo šo tu li muujuni muka omo omefuta enene, katu uapa nando, oku li taaguluka tuua li moskepa joku tu fala handijaka jefuta, aue, otatu guile mo.

Ihe opo tuua guile mefuta ndika ljuujuni, otatu ende ngiini, notatu li taaguluka ngiini? Tuua guile mo, natu itule moskepa jehupišo. Omu Jesus Omukulili guetu oje te tu kondiša efuta ljuujuni no te tu fala mošilongo šomegulu. Ano natu itule mo muje tu neinekelo lja šili, ongašika okanona ki inekela oonkondo za he.

Ano itula mOmukulili uaa ze mo!

S. J.

Uupjakazi


Antu jamue ja njolele „Omūketu” oohapu nomahokololo opo ga njanjangizue. Ihe oohapu zauo ihazi mono ompito ošoka za ninga ozindji uunene nenge za njoolua nazi kazi uuvitike nando.

Ano kehe ngoka a hala okunjoola ša e nokuzimbulukua iinima iijaali.

Tangotango e nokuilongaa no e nokuizeula a tseje okunjoola naua noondanda za jela no e ši kutopola iitja noma tumbulo.

Ošitijaali ošika: e nokunjola pafupilela, ombapila jimue ajike ja njoolua kombinga jimue ajike ha koombinga azihe mbali, aue.

Oohapu oonde nozindji nenge ngele inazi njoolua naua, itazi mono ompito zi njanjangizue.



EENGANDU, OIHUNA!

Tala naua efano eli! Kokule kanini to mono oskepa nūmbi taji ehene oku. Ndele ne apa popepielela to mono eengandu 4.

Eeŋgedi dado u di si ndi si. Odo tuu tadi hondjaunine momeva no momuidi. Ngeno pua holoka omuñu itadi tila ngasi hadi tila oskepa. Ile omuñu ngeno ta nūkile momeva a ka kaame ngeno ne ta lika sili. Ndele ne fimbo omuñu ku li moskepa oku li naua ita pumbua okutila nande nande, nando eengandu di li popepi.

Omuñu fimbo ku li mu Kristus no meameno laje ita pumbua okutila sa. Ndele ne omuñu esi a dja mo mu Kristus, nando ina ninga sa sii, oje ta ka ponua ku satana ou ta hondjaunine apese.

Ovakriste vahapu vaua no vadiinini

va uile mo ngaha moheli esi va dja mu Kristus ka ka kaame asike kanininini pahalo lavo vene.

OSIPONGA

Aasitaji aluhe šo ja gongala komambo onsondaha okua holoka ekuzilo enene, ombili kaja li ko nando nenge emueneneno ngasi ka mongereka mu nokukala.

Ihe osinima šono ša kundašana mo šigongi šepangelongereka no ša tokolua. Egongalo ljokOšitaji lja aazika košiponga. Eui ljevangeli lja muena ko.

AAMATI KOTOKENI.

Esiku limue esina ljontumba lja pitilile pOšitaji no lja umbua kokamati kamue nonzimbo. Okamati nkoka ka kuatua. Itaši tsejika šoka ta ka ningilua okamati nkoka, ošoka oohapu ze inazi tokolua manga. Ihe esiku limue ta kamona uupjakazi uuindji.

Kotokeni aamati ne muaa tameke okuninga ngaaka ošoka tamu ka mona iihuna.

Omambo ga halika

kauambo ojendji je li kUušimba no kaamboka je li muka mOuambo. Okambo Wiliam Harris taka pulua uunene, ošoka taka hokolola ošilonga ošinene šomuluze i igandja ku Kalunga. Nošo tuu okambo okakuauo Kama taka hokolola omükua niilua omünene omuluze nolugozi lue olunene, šo a kondjele uuanaua uošilongo še, oko okuanaua šili.

Aakuetu ne mu li kUušimba tamukongo omambo, noleni naua, za tonata ezina ljembo kehe mue li hala puua ninge omalimbililo mokutuma. Lešeni išeue naua ošiñolua ša nolelua mošifo šika onomola 12 šomvogu ši nošipalañolo „Aakuetu ne mu li kUušimba”, mu tseje nkene mu nokunola no nkene mu nokutuma iimaliva jomambo. Noleni pafupi, andola, ngeji.

Kostora jomambo.

Tuminii ndje omambo nga:
 Etestam. Epe i ondando 1/9 noposa -/6 kumue 2. 3
 W. Harris I -2 " -I " -3
 Kama I -3 " -I " -4
 Ontsilanzimbo I -9 " -2 " -11.
 n. š. t.
 Tuma wo iimaliua ja guana.

OMAKUNDILO

„Omükuetu” a tuminua ombilive ja dja ku Union ndele tai ti ngaha:

P. k. Stofbergedenkskool
 eti 8 lja Februari 1939.

Koojandjetu!

Ookuume noojakuetu naajehe mbokamu hoole ošilonga šOmüua, ngiika oku na ojendji mboka ja hala okuuva nkene tu li no nkene tua ende. Omükuetu ote mu tsejijšile naua amuhe. Ondjila ndjika otue ji tameke netilo enene no tua li tu nuuzigu noluhodzi okušiga po ošilongo setu nookuume, naakuluntu jetu naalongua jetu, otua li tu nuuzigu ouindji okutopoka najo. Ihe šo tua tala oluhepo lošilongo šetu otui izizimike okuja mondjila ndjika. Oku na aagundjuka aakazona jo mUukuanjama oje ndji ndi ja ši ja hala menongelo ljaakazona ihe aalongi kaje po. Ngiika oku na uo aakuluntu ja hala aanona ja je menongelo ljaakazona. Onda hala ndi ku pe ošilonga, kuga onkugo u tal le Omüua u galikanene aagundjuka je li mu Stofberg ja likole ša je etele uo auambo uupambu. Na ngoje uo omügundjuka kala u nošimpuju šika. Omüua okue tu endiša sigo tua šiki, me me L. Lindström okue tu sile ošimpuju mondjila. Okua šikama mpaka eti 7 lja Februari a ka tsikila ondjila je. Otue mu halele egameno ljOmüua mondjila onde sigo ote mu šikiša kegumbo.

Auambo aaholike naalongi naahongi naahungi jaavu naasita jomogongalo otue mu halele mu koke muukriste esiku nesiku. Nomagongalo gomOuambo no kOka vango otue ga halele uupe.

Omua kundilua po ku ajehe mue ja tumu. Ohatu mu zimbulukua aluhe.

Emilia Ntinda.

OMUPAPA

Omuuiliki uongereka oukuakatolika a fja ku Roma, mu Italia, efiku 10 la februari.

ODULA

ja loka neengono mu Union ndele ja jona nokuli ondjila jokolutenda popepi na Johannesburg, kaji dulika okuendua najo nande.